

**VENDIM**  
**Nr.853, datë 18.6.2008**

**PËR MIRATIMIN E METODOLOGJISË SË RREGULLIMIT TË TARIFAVE, TË ORGANIZMIT, ME FUQI TË NDJESHME NË TREG, “VODAFONE ALBANIA” SHA**

Në mbështetje të nenit 100 të Kushtetutës dhe të neneve 58, 59, 60 e 62 të ligjit nr.8618, datë 14.6.2000 “Për telekomunikacionet në Republikën e Shqipërisë”, të ndryshuar, me propozimin e Ministrit të Punëve Publike, Transportit dhe Telekomunikacionit, Këshilli i Ministrave

**VENDOSI:**

1. Miratimin e metodologjisë së rregullimit të tarifave të interkonjeksionit, të organizmit, me fuqi të ndjeshme në treg, “Vodafone Albania” sh.a., sipas lidhjes nr.1, e cila i bashkëlidhet këtij vendimi.
2. Miratimin e metodologjisë së rregullimit të tarifave të shërbimeve të përdoruesve fundorë, të organizmit, me fuqi të ndjeshme në treg, “Vodafone Albania” sh.a., sipas lidhjes nr.2, e cila i bashkëlidhet këtij vendimi.
3. Ky vendim është i vlefshëm për periudhën e parashikuar në metodologjitë, që i bashkëlidhen këtij vendimi (lidhjet nr.1 e nr.2).
4. Ngarkohet Enti Rregullator i Telekomunikacioneve për zbatimin e këtij vendimi.  
Ky vendim hyn në fuqi menjëherë.

**KRYEMINISTRI**  
**Sali Berisha**

**LIDHJA NR.1**

**METODOLOGJI E RREGULLIMIT TË TARIFAVE TË INTERKONJEKSIONIT**  
**TË VODAFONE ALBANIA SHA**

1. Objekti i kësaj metodologjie është rregullimi i tarifës për ofrimin e shërbimit të terminimit të thirrjeve në rrjetin celular të operatorit Vodafone Albania.
2. Vodafone Albania të aplikojë të njëjtën tarifë për terminimin e thirrjeve në rrjetin e tij, pavarësisht origjinës së trafikut, në përmbushje të detyrimit për të ofruar shërbimin e terminimit të thirrjeve të origjinuara nga përdoruesit e rrjeteve publike të telekomunikacioneve dhe të thirrjeve të transituara nga operatorët e licencuar nga ERT për ofrimin e shërbimeve të transitit kombëtar e ndërkombëtar.
3. Rregullimi i tarifës së terminimit bëhet duke përcaktuar nivelin maksimal të tarifave në secilën periudhë rregullimi.
4. Rregullimi i tarifës të shërbimeve të interkonjeksionit sipas kësaj metodologjie do të bëhet për një kohëzgjatje dyvjeçare, e cila përfshin dy periudha njëvjeçare.
5. Vlerat maksimale të tarifës të terminimit të thirrjeve në rrjetin celular të operatorit Vodafone Albania, për t’u aplikuar për periudhat nënregullim paraqiten në tabelën nr.1, në vijim:

**Tabela nr.1 Vlerat maksimale të tarifës të terminimit të Vodafone Albania**

|                            | Periudha e I-rë | Periudha e II-të |
|----------------------------|-----------------|------------------|
| <b>Tarifa (lek/minutë)</b> | <b>11.95</b>    | <b>10.50</b>     |

6. Tarifa e interkonjeksionit për kohëzgjatjen shoqërohet edhe me tarifën për numrin e thirrjeve të terminuara ose transituara, të cilat përcaktohen në masën jo më shumë se 3% përkundrejt

tarifës përkatëse për kohëzgjatjen. Tarifa për numrin e thirrjeve zbatohet vetëm për thirrjet, të cilat, sipas rekomandimeve përkatëse të ITU, janë të suksesshme.

7. Nëse gjatë procedurës së rregullimit të tarifave ERT evidenton që operatori nën rregullim kryen veprime që cenojnë konkurrencën në treg, do t'i trajtojë ato në përputhje me legjislacionin në fuqi.

8. Data e fillimit të rregullimit përcaktohet me vendim të ERT, i cili merret jo më vonë se 30 ditë mbas hyrjes në fuqi të metodologjisë.

LIDHJA NR.2

## **METODOLOGJI E RREGULLIMIT TË TARIFAVE TË SHËRBIMEVE TË PËRDORUESVE FUNDORË TË VODAFONE ALBANIA SHA**

1. Objekti i kësaj metodologjie është rregullimi i tarifave për shërbimet publike telefonike të lëvizshme, që u ofrohen përdoruesve nëpërmjet paketës tarifore me parapagim “Vodafone Card”:

- a) Thirrje telefonike brenda rrjetit Vodafone Albania;
- b) Thirrje telefonike kombëtare drejt rrjeteve të tjerë celulare;
- c) Thirrje telefonike kombëtarë drejt rrjeteve fikse;
- d) Thirrje telefonike ndërkombëtare.

2. Rregullimi i tarifave, që janë objekt i kësaj metodologjie, bëhet sipas metodës “Kufiri maksimal i normës së ndryshimit të tarifave” (Price cap).

3. Formula e “Kufiri maksimal i normës së ndryshimit të tarifave”, ku bazohet rregullimi i tarifave, është:

$$\sum_{i=1}^n w_{i,t} \left[ \frac{p_{i,t} - p_{i,t-1}}{p_{i,t-1}} \right] \leq I_t - X_t$$

ku :

- $t$  : periudha kohore për të cilën vendoset tarifa;  
 $i$  : indeksi i shërbimit në shportën nën rregullim ( $i=1,2,3,\dots,n$ );  
 $n$  : numri i shërbimeve në shportën nën rregullim;  
 $p_{i,t}$  : tarifa (çmimi për njësi) i shërbimit  $i$  në periudhën  $t$ ;  
 $p_{i,t-1}$  : tarifa (çmimi për njësi) i shërbimit  $i$  në fund të periudhës paraardhëse të periudhës  $t$ ;  
 $w_{i,t}$  : pesha e përdorur e shërbimit  $i$  në periudhën  $t$ ;  
 $X_t$  : faktori i produktivitetit i përdorur në periudhën  $t$ ;  
 $I_t$  : faktori i inflacionit për periudhën  $t-1$ ;

4. Rregullimi i tarifave me metodën “Kufiri maksimal i normës së ndryshimit të tarifave” do të aplikohet për një kohëzgjatje dyvjeçare. Kohëzgjatja dyvjeçare përfshin 2 (dy) periudha vjetore.

5. Metoda “Kufiri maksimal i normës së ndryshimit të tarifave” do të aplikohet për shportën dhe nënshportat e shërbimeve të paraqitura në shtojcën nr.1, pjesë e kësaj metodologjie.

6. Pjesa e mbajtur për thirrjet drejt rrjeteve të tjerë llogaritet si diferencë e tarifës së përdoruesit me detyrimin për terminim dhe/ose transitim ndaj operatorëve të tjerë.

7. Peshat e të ardhurave nga shitja e shërbimit i “wi” llogariten si raport i të ardhurave nga shërbimi “i” me të ardhurat e përgjithshme të shërbimeve në nënshportë/shportë, për vitin kalendarik paraardhës. Peshat e shërbimeve “wi” për periudhën e parë të rregullimit do të jenë peshat e shërbimeve të përlllogaritura nga ERT në bazë të të dhënave të vitit 2006, të depozituara nga Vodafone Albania dhe të paraqitura në shtojcën nr.1, bashkëngjitur. Për periudhën e dytë të rregullimit operatori duhet të depozitojë të dhënat e detajuara të shërbimeve nën rregullim për vitin 2008.

8. Tarifa fillestare ( $P_{i,t-1}$ ) në formulën “Kufiri maksimal i normës së ndryshimit të tarifave”, për secilin shërbim nën rregullim, do të jetë tarifa në fund të periudhës paraardhëse.

9. Vlerat vjetore të faktorit  $X$  për shportën dhe nënshportat e shërbimeve nën rregullim (shtojca nr.1), do të jenë:

Shporta e përgjithshme:

$$X_s = +23\%;$$

Nënshporta nr.1: Pjesa e mbajtur për thirrjet kombëtare drejt rrjeteve celularë të tjerë:

$$X_1 = +28\%;$$

Nënshporta nr.2 : Pjesa e mbajtur për thirrjet kombëtare drejt rrjeteve fiks:

$$X_2 = +28\%;$$

Vlerat e faktorit X mbeten të pandryshuara për secilën periudhë vjetore rregullimi.

10. Vlera e faktorit  $I_t$  (faktor i inflacionit i përdorur për periudhën t) do të jetë i barabartë me normën e ndryshimit vjetor të indeksit të çmimeve të konsumit (IÇK) të vitit kalendarik paraardhës, të publikuar nga Instituti i Statistikës (INSTAT). Vlera e normës së inflacionit për vitin 2007, që do përdoret për periudhën e parë nën rregullim është 3.1%.

11. Vodafone Albania, duhet të paraqesë propozim për ndryshim të tarifave për secilën periudhë rregullimi, jo më vonë se 30 (tridhjetë) ditë nga fillimi i periudhës përkatëse.

12. Vodafone Albania nuk është i kufizuar në lidhje me numrin e propozimeve për ndryshim të tarifave brenda secilës periudhë rregullimi, me kusht që të përmbushë kërkesat e kësaj metodologjie.

13. Vodafone Albania ka të drejtë që, brenda secilës periudhë rregullimi, të aplikojë tarifa më të ulëta se ato të konfirmuara nga ERT duke plotësuar, në çdo rast, detyrimet për njoftim të ERT, si dhe të përdoruesve.

14. Propozimi për ndryshim të tarifave duhet të përmbajë të gjithë informacionin e nevojshëm, të kërkuar sipas kësaj metodologjie. ERT, mund të kërkojë, gjithashtu, informacion shtesë për të verifikuar nëse propozimet e paraqitura, përmbushin kërkesat e metodologjisë. Në mungesë të informacionit të nevojshëm, ERT ka të drejtë të përdorë metoda alternative për përlllogaritjen e treguesve të kërkuar.

15. ERT, verifikon përputhshmërinë e tarifave të propozuara me kërkesat e metodologjisë dhe, jo më vonë se 15 (pesëmbëdhjetë) ditë nga marrja e propozimit, njofton Vodafone Albania për rezultatet e verifikimit.

16. Për çdo ndryshim të tarifave, Vodafone Albania detyrohet të njoftojë përdoruesit me anë të mjeteve të informimit publik, të paktën 15 ditë para hyrjes në fuqi të tarifave të reja dhe ky njoftim duhet të zgjasë jo më pak se 3 ditë rresht.

17. Vodafone Albania mund të zbatojë kohë minimale të tarifimit për thirrjet telefonike (*start up fee*), e cila nuk duhet të jetë më shumë se 15 sekonda.

18. Vodafone Albania gjatë periudhës nën rregullim nuk mund të propozojë apo aplikojë rritje të tarifave të shërbimeve celulare për planin tarifor nën rregullim Vodafone Card dhe për planet e tjera tarifore, me parapagim apo me kontratë.

19. Vodafone Albania gjatë periudhës nën rregullim duhet të sigurojë vazhdueshmërinë e ofrimit të shërbimeve celulare nëpërmjet planit tarifor Vodafone Card, për përdoruesit aktualë dhe përdoruesit e rinj të mundshëm, si edhe të mos përkeqësojë cilësinë e shërbimeve të ofruara.

20. Në zbatim të kësaj metodologjie, tarifatat të shprehura në monedha të huaja do të konvertohen në lekë, sipas kursit mesatar vjetor, llogaritur në bazë të të dhënave të publikuara nga Banka e Shqipërisë për vitin kalendarik paraardhës.

21. Nëse ERT konstaton se operatori nën rregullim zbaton tarifa në kundërshtim me metodologjinë ose që cenojnë konkurrencën në treg, do t'i trajtojë ato në përputhje me legjislacionin në fuqi.

22. Shtojca nr.1 dhe shënimet janë pjesë integrale e kësaj metodologjie.

23. Data e fillimit të rregullimit përcaktohet me vendim të ERT-së, i cili merret jo më vonë se 30 ditë pas hyrjes në fuqi të metodologjisë.

## SHTOJCA Nr. 1

Tabela Nr. 1 : SHPORTA E PËRGJITHSHME E SHËRBIMEVE NËN RREGULLIM

VODAFONE ALBANIA

Vodafone Card

| Nr | Shërbimi |                                                                 | Sasia (t-1) |             | Tarifa (t-1) [ëlekë/njësi] |                        |                 | Të ardhura (t-1) [ëlekë] | Pesha (Wi) [e %] | Tarifa e propozuar (t) [ëlekë/njësi] | Ndryshimi  | KONTROLLI [e %] | Detyrimi për të tjerë (t) [ëlekë/njësi] | Tarifa e përdoruesit (t) [ëlekë/njësi] |
|----|----------|-----------------------------------------------------------------|-------------|-------------|----------------------------|------------------------|-----------------|--------------------------|------------------|--------------------------------------|------------|-----------------|-----------------------------------------|----------------------------------------|
|    |          |                                                                 | Minuta      | Nr. Thirrje | Tarifa e përdoruesit       | Detyrimi për të tjerët | Pjesa e mbajtur |                          |                  |                                      |            |                 |                                         |                                        |
|    |          |                                                                 | 2           | 3           | 4                          | 5                      | 6 = 4-5         | 7 = 2x6                  | 8                | 9                                    | 10 = 9/6-1 | 11 = 8x10       | 12                                      | 13 = 12+9                              |
| 1  |          | Biseda telefonike brenda rrjetit Vodafone Albania               |             |             |                            |                        |                 |                          | 0.5557           |                                      |            |                 |                                         |                                        |
|    | 1.1      | Brezi orar PEAK                                                 |             |             |                            |                        |                 |                          | 0.5279           |                                      |            |                 |                                         |                                        |
|    | 1.2      | Brezi orar OFF-PEAK                                             |             |             |                            |                        |                 |                          | 0.0278           |                                      |            |                 |                                         |                                        |
| 2  |          | Biseda telefonike kombëtare drejt operatorëve të tjerë celularë |             |             |                            |                        |                 |                          | 0.2093           |                                      |            |                 |                                         |                                        |
| 3  |          | Biseda telefonike kombëtare drejt rrjeteve fiks :               |             |             |                            |                        |                 |                          | 0.0433           |                                      |            |                 |                                         |                                        |
|    | 3.1      | Albtelecom                                                      |             |             |                            |                        |                 |                          |                  |                                      |            |                 |                                         |                                        |
|    | 3.2      | Operatoreve të tjerë fiks me interkoneksion indirekt            |             |             |                            |                        |                 |                          |                  |                                      |            |                 |                                         |                                        |
|    | 3.3      | Operatoreve të tjerë fiks me interkoneksion direkt              |             |             |                            |                        |                 |                          |                  |                                      |            |                 |                                         |                                        |
| 4  |          | Biseda telefonike ndërkombëtare drejt:                          |             |             |                            |                        |                 |                          | 0.1917           |                                      |            |                 |                                         |                                        |
|    | 4.1.1    | ITALI                                                           | Fiks        |             |                            |                        |                 |                          | 0.0203           |                                      |            |                 |                                         |                                        |
|    | 4.1.2    |                                                                 | Celular     |             |                            |                        |                 |                          | 0.0739           |                                      |            |                 |                                         |                                        |
|    | 4.2.1    | GREQI                                                           | Fiks        |             |                            |                        |                 |                          | 0.0205           |                                      |            |                 |                                         |                                        |
|    | 4.2.2    |                                                                 | Celular     |             |                            |                        |                 |                          | 0.0307           |                                      |            |                 |                                         |                                        |
|    | 4.3.1    | MAQEDONI                                                        | Fiks        |             |                            |                        |                 |                          | 0.0015           |                                      |            |                 |                                         |                                        |
|    | 4.3.2    |                                                                 | Celular     |             |                            |                        |                 |                          | 0.0060           |                                      |            |                 |                                         |                                        |
|    | 4.4.1    | KOSOVË                                                          | Fiks        |             |                            |                        |                 |                          | 0.0014           |                                      |            |                 |                                         |                                        |
|    | 4.4.2    |                                                                 | Celular     |             |                            |                        |                 |                          | 0.0069           |                                      |            |                 |                                         |                                        |
|    | 4.5.1    | MALI I ZI                                                       | Fiks        |             |                            |                        |                 |                          | 0.0003           |                                      |            |                 |                                         |                                        |
|    | 4.5.2    |                                                                 | Celular     |             |                            |                        |                 |                          | 0.0024           |                                      |            |                 |                                         |                                        |
|    | 4.6.1    | GJERMANI                                                        | Fiks        |             |                            |                        |                 |                          | 0.0046           |                                      |            |                 |                                         |                                        |
|    | 4.6.2    |                                                                 | Celular     |             |                            |                        |                 |                          | 0.0037           |                                      |            |                 |                                         |                                        |
|    | 4.7.1    | FRANCË                                                          | Fiks        |             |                            |                        |                 |                          | 0.0016           |                                      |            |                 |                                         |                                        |
|    | 4.7.2    |                                                                 | Celular     |             |                            |                        |                 |                          | 0.0021           |                                      |            |                 |                                         |                                        |
|    | 4.8.1    | ANGLI                                                           | Fiks        |             |                            |                        |                 |                          | 0.0012           |                                      |            |                 |                                         |                                        |

|  |         |        |         |  |  |  |  |        |        |  |  |  |  |  |  |
|--|---------|--------|---------|--|--|--|--|--------|--------|--|--|--|--|--|--|
|  | 4.8.2   | SHBA   | Celular |  |  |  |  |        | 0.0031 |  |  |  |  |  |  |
|  | 4.9.1   |        | Fiks    |  |  |  |  |        | 0.0112 |  |  |  |  |  |  |
|  | 4.9.2   |        | Celular |  |  |  |  |        |        |  |  |  |  |  |  |
|  | 4.10.1  | KANADA | Fiks    |  |  |  |  | 0.0002 |        |  |  |  |  |  |  |
|  | 4.10.2  |        | Celular |  |  |  |  |        |        |  |  |  |  |  |  |
|  | TOTAL I |        |         |  |  |  |  |        | 1.0000 |  |  |  |  |  |  |

SHTOJCA Nr. 1

Tabela Nr. 2 : NËNSHPORTA NR. 1 E SHËRBIMEVE NËN RREGULLIM

VODAFONE ALBANIA

| Nr | Shërbi                                                          | Sasia (t-1) |             | Tarifa (t-1) [lekë/njësi] |                        |                 | Të ardhura (t-1)<br>[lekë] | Pesha (Wi)<br>[ % ] | Tarifa e propozuar (t)<br>[lekë/njësi] | Ndryshimi  | KONTROLI<br>[ % ] | Detyrimi për të tjerë (t)<br>[lekë/njësi] | Tarifa e përdoruesit (t)<br>[lekë/njësi] |
|----|-----------------------------------------------------------------|-------------|-------------|---------------------------|------------------------|-----------------|----------------------------|---------------------|----------------------------------------|------------|-------------------|-------------------------------------------|------------------------------------------|
|    |                                                                 | Minuta      | Nr. Thirrje | Tarifa e përdoruesit      | Detyrimi për të tjerët | Pjesa e mbajtur |                            |                     |                                        |            |                   |                                           |                                          |
|    | 1                                                               | 2           | 3           | 4                         | 5                      | 6 = 4-5         | 7 = 2x6                    | 8                   | 9                                      | 10 = 9/6-1 | 11 = 8x10         | 12                                        | 13 = 12+9                                |
| 1  | Biseda telefonike kombëtare drejt operatorëve të tjerë celularë |             |             | 50                        |                        |                 |                            |                     |                                        |            |                   |                                           |                                          |
|    | TOTALI                                                          |             |             |                           |                        |                 |                            |                     |                                        |            |                   |                                           |                                          |

| Nr | Shërbimi | Sasia (t-1)                                          |             | Tarifa (t-1) [lekë/njësi] |                        |                 | Te ardhura (t-1)<br>[lekë] | Pesha (Wi)<br>[%] | Tarifa e propozuar (t)<br>[lekë/njësi] | Ndryshimi  | KONTROLLI<br>[%] | Detyrimi për të tjerë (t)<br>[lekë/njësi] | Tarifa e përdoruesit (t)<br>[lekë/njësi] |
|----|----------|------------------------------------------------------|-------------|---------------------------|------------------------|-----------------|----------------------------|-------------------|----------------------------------------|------------|------------------|-------------------------------------------|------------------------------------------|
|    |          | Minuta                                               | Nr. Thirrje | Tarifa e përdoruesit      | Detyrimi për të tjerët | Pjesa e mbajtur |                            |                   |                                        |            |                  |                                           |                                          |
|    | 1        | 2                                                    | 3           | 4                         | 5                      | 6 = 4-5         | 7 = 2x6                    | 8                 | 9                                      | 10 = 9/6-1 | 11 = 8x10        | 12                                        | 13 = 12+9                                |
| 1  |          | Biseda telefonike kombëtare drejt rrjeteve fiks :    |             |                           |                        |                 |                            |                   |                                        |            |                  |                                           |                                          |
|    | 1.1      | Albtelecom                                           |             |                           |                        |                 |                            |                   |                                        |            |                  |                                           |                                          |
|    | 1.2      | Operatoreve të tjerë fiks me interkoneksion indirekt |             |                           |                        |                 |                            |                   |                                        |            |                  |                                           |                                          |
|    | 1.3      | Operatoreve të tjerë fiks me interkoneksion direkt   |             |                           |                        |                 |                            |                   |                                        |            |                  |                                           |                                          |
|    | TOTALI   |                                                      |             |                           |                        |                 |                            |                   |                                        |            |                  |                                           |                                          |

**SHËNIME**  
**PËR PLOTËSIMIN E TABELAVE TË SHTOJCË NR.1 VODAFONE ALBANIA**

1. Kolona nr.1, i referohet emërimit të shërbimeve aktuale nën rregullim, të ofruara nga VODAFONE ALBANIA nëpërmjet paketës tarifore me parapagim Vodafone Card. Në rast të ndryshimit të emërimit të shërbimeve apo mënyrës së tarifimit të këtyre shërbimeve, d.m.th. ofrimit të shërbimeve me tarifa të diferencuara sipas kohëzgjatjes apo kohës së kryerjes së thirrjes, VODAFONE ALBANIA duhet t'i specifikojë këto thirrje si shërbime të veçanta dhe t'i përfshijë në kolonën nr.1, duke plotësuar njëkohësisht edhe kolonat e tjera 2-13.

2. Kolona nr.2 dhe nr.3 duhet të plotësohen përkatësisht me sasinë të shprehur në “minuta” dhe “numër thirrje” për të gjitha shërbimet e kolonës nr.1, për periudhën kohore paraardhëse (t-1).

3. Kolonat nr.4, 5 dhe 6 i referohen përkatësisht tarifës së përdoruesit, detyrimit të VODAFONE ALBANIA ndaj operatorëve të tjerë për thirrjet jashtë rrjetit dhe pjesës së mbajtur, për periudhën kohore paraardhëse (t-1). Vlerat e këtyre kolonave të shprehen në lekë, me dy shifra dhjetore.

4. Kolona nr.4 i referohet tarifës së përdoruesit për minutë, pa TVSH.

a) Në rast se Vodafone Albania, përveç tarifës për kohëzgjatjen e bisedës, zbaton edhe një tarifë fikse për thirrje, pavarësisht kohëzgjatjes, në tabelat e shtojcës nr.1, pas kolonës nr.4 duhet të shtohet edhe një kolonë tjetër me nr.4/a “Tarifë për thirrje”, plotësuar me vlerat përkatëse.

5. Kolona nr. 5, i referohet detyrimit të VODAFONE ALBANIA për terminimin (ose dhe transitimin) e thirrjeve drejt rrjeteve të tjerë fiks dhe celulare, kombëtare dhe ndërkombëtare. Për thirrjet brenda rrjetit në këtë kolonë vendoset vlera zero.

a) Në rast se nga operatorët e tjerë, për terminimin (ose dhe transitimin) e thirrjeve në rrjetin e tyre zbatohet edhe një tarifë fikse për thirrje, pavarësisht kohëzgjatjes, në tabelat e shtojcës nr.1, pas kolonës nr.5 duhet të shtohet edhe një kolonë tjetër me nr.5/a “Detyrimi për thirrje”, e cila plotësohet me vlerat përkatëse.

6. Kolona nr.6 i referohet pjesës së mbajtur nga VODAFONE ALBANIA për thirrjet jashtë rrjetit dhe llogaritët si diferencë e tarifës së përdoruesit (kolona nr.4) dhe detyrimit për të tjerë (kolona nr.5). Për thirrjet brenda rrjetit kjo vlerë rezulton e njëjtë me tarifën e përdoruesit.

a) Në rast të aplikimit nga VODAFONE ALBANIA dhe/ose nga rrjetet e tjerë edhe të një tarife fikse për thirrje pavarësisht kohëzgjatjes, duhet të shtohet edhe një kolonë tjetër nr.6/a “Pjesa e mbajtur për thirrje”, dhe të plotësohet me vlerën përkatëse të barabartë me diferencën e vlerave të tarifës për thirrje (shënimi 4/a) dhe detyrimit për thirrje (shënimi 5/a). Në rast të mosaplikimit të tarifës për thirrje dhe aplikimit të detyrimit për thirrje, pjesa e mbajtur për thirrje të plotësohet me vlerën negative të detyrimit për thirrje.

7. Kolona nr.7 i referohet të ardhurave nga shërbimi përkatës në kolonën nr.1, dhe plotësohet me prodhimin e vlerës në kolonën nr.2 (minuta) dhe vlerës në kolonën nr.6 (Tarifë për minutë), d.m.th.  $7=2 \times 6$ . Rreshti i fundit i kësaj kolone, totali, të plotësohet me shumën e të ardhurave nga shërbimet e listuara në kolonën e parë.

a) Në rast të aplikimit të shënimi 4/a dhe ose 5/a, kolona nr.7 të plotësohet me shumën e prodhimit të vlerës së minutave (Kolona nr.2) dhe tarifës për minutë (Kolona nr.6) dhe prodhimit të vlerës së numrit të thirrjeve (Kolona nr.3) dhe pjesës së mbajtur për thirrje (shënimi 6/a), d.m.th.  $7=2 \times 6 + 3 \times 6/a$ .

8. Kolona nr.8 i referohet peshës së çdo shërbimi në kolonën nr.1 dhe përlllogaritët për çdo shërbim “i” si raport i të ardhurave nga shërbimi “i” në kolonën nr. 7, me të ardhurat totale nga shërbimet, rreshti i fundit, kolona nr.7. Në rreshtin e fundit të kolonës nr.8 duhet të shënohet shuma e peshave të shërbimeve ( $\sum w_i$ ), e cila duhet të dalë e barabartë me 100%. Vlerat e peshave të shprehen në përqindje me 1 shifër dhjetore. Për periudhën e parë të shtohet një kolonë e re 8/a, me vlerat e përlllogaritura nga Vodafone sipas të dhënave të raportuara në kolonat 1-7.

9. Kolona nr.9 i referohet tarifës së përdoruesit ose pjesës së mbajtur të propozuar nga VODAFONE ALBANIA për periudhën në vijim (t) nën rregullim, pa TVSH. Për thirrjet jashtë rrjetit VODAFONE ALBANIA kjo kolonë duhet të plotësohet me vlerën e pjesës së mbajtur të propozuar, ndërsa për thirrjet brenda rrjetit me vlerën e tarifës së përdoruesit.

10. Kolona nr.10 i referohet normës së ndryshimit ( $\Delta p_i$ ) midis tarifës/pjesës së mbajtur të propozuar në kolonën nr.9 dhe Tarifës/Pjesës së mbajtur në periudhën paraardhëse (t-1) në kolonën nr.6. Kjo kolonë të plotësohet me vlerën e përlogaritur si raporti i vlerave në kolonën nr.9 dhe kolonën nr.6 minus 1, d.m.th.  $10 = (9/6)-1$ . Vlerat të shprehen me tre shifra dhjetore.

11. Kolona nr.11 të plotësohet me vlerën e barabartë me prodhimin e vlerave të peshave të shërbimeve (kolona nr.8) dhe vlerave përkatëse të normës së ndryshimit (Kolona nr.10), d.m.th.  $11=8 \times 10$ . Rreshti i fundit i kolonës nr.11, të plotësohet me shumën e vlerave të kësaj kolone  $\sum w_i \cdot \Delta p_i$ . Të bëhet kujdes në mos-përfshirjen dy herë të vlerave për një shërbim me tarifa të diferencuara. Në mënyrë që tarifat (pjesa e mbajtur) e propozuara nga VODAFONE ALBANIA në kolonën nr.9, të përmbushin kriteret e rregullimit të metodologjisë dhe të miratohen nga ERT, vlera e kësaj qelize të matricës duhet të jetë më e vogël ose e barabartë me vlerën e shprehjes së përcaktuar në tabelën përkatëse:

a) për tabelën nr.1, shporta e përgjithshme:  $\sum w_i \cdot \Delta p_i \leq I_{t-1} - 23\%$

b) për tabelën nr.2, nënshporta nr.1:  $\sum w_i \cdot \Delta p_i \leq I_{t-1} - 28\%$

c) për tabelën nr.3, nënshporta nr.2:  $\sum w_i \cdot \Delta p_i \leq I_{t-1} - 28\%$

12. Kolona nr.12 i referohet detyrimit të VODAFONE ALBANIA si në kolonën nr.5 (shih shënim 5) por për periudhën nënrrregullim në vijim (t). Kjo kolonë të plotësohet me vlerën e detyrimit në periudhën në vijim në rast se njihet në avancë nga VODAFONE ALBANIA, sipas marrëveshjeve të nënshkruara me operatorë të tjerë, ose me vlerat e tarifave të rregulluara nga ERT, sipas metodologjive përkatëse. Në rast të kundert, lihen bosh ose plotësohen me të njëjtën vlerë si kolona nr.5 (shih shënim 5).

13. Kolona nr.13 i referohet tarifës së përdoruesit që do aplikohet nga VODAFONE ALBANIA në periudhën nën rregullim në vijim (t). Për thirrjet brenda rrjetit kjo tarifë është e njejte me tarifën e propozuar nga VODAFONE ALBANIA në kolonën nr.9, ndërsa për thirrjet jashtë rrjetit VODAFONE ALBANIA, tarifa e përdoruesit që do aplikohet duhet të jetë e barabartë me shumën e pjesës së mbajtur të propozuar nga VODAFONE ALBANIA në kolonën nr.9 dhe detyrimit në kolonën nr.12, me kushtin që tarifat dhe pjesët e mbajtura, të propozuara nga VODAFONE ALBANIA, të miratohen nga ERT. Në rast të reduktimit të detyrimit në kolonën nr.12 gjatë periudhës nën rregullim në vijim (t), VODAFONE ALBANIA duhet të reduktojë tarifën e përdoruesit në masë absolute të njëjtë me reduktimin e detyrimit.

14. Tabelat e plotësuara duhet të depozitohen nga VODAFONE ALBANIA në formë të printuar dhe në formë elektronike në CD në formatin EXCEL.